

摘藻堂四庫全書薈要

史部

欽定四庫全書叢要

史部
國語卷二


詳校官員外郎臣楊世綸



欽定四庫全書薈要

國語

提要



臣等謹案國語二十一卷吳韋昭註昭字弘
嗣雲陽人官至中書僕射三國志作韋曜裴
松之註謂為司馬昭諱也國語出自何人說
者不一然終以漢人所說為近古所記之事
與左傳俱迄智伯之亡時代亦復相合中有

與左傳不符者猶新序說苑同出劉向而時

復抵牾蓋古人著書各據所見之舊文疑以

存疑不似後人輕改故也漢志作二十一篇

其諸家所註隋志虞翻唐固本皆二十一卷

王肅本二十二卷賈逵本二十卷互有增減

蓋偶然分併非有異同惟昭所註本隋志作

二十二卷唐志作二十卷而此本首尾完具

實二十一卷諸家所傳南北宋版無不相同

知隋志誤一字唐志脫一字也前有昭自序

稱兼采鄭衆賈逵虞翻唐固之注今攷所引

鄭說虞說寥寥數條惟賈唐二家援据駁正

為多序又稱凡所發正三百七事今考註文

之中昭自立義者不過六七十事合以所正

訛字衍文錯簡亦不足三百七事之數其傳

寫有誤以六十為三百歟崇文總目作三百

十事又七字轉訛也此本為衍聖公孔傳鐸

所刊如魯語公伯文伯飲酒一章註中此堵

父詞四字當在使鼈長句下而誤入遂出二

字下小小舛訛亦所不免然較諸坊本則頗

為精善自鄭衆解詁以下諸書並亡國語注

存於今者惟昭為最古黃震日鈔嘗稱其簡

潔而先儒舊訓亦往往散見其中如朱子註

論語無所取材毛奇齡詆其訓材為裁不見

經傳改從鄭康成桴材之說而不知鄭語計

億事材兆物句昭注曰計算也材裁也已有
此訓然則奇齡失之眉睫間矣此亦見其多
資攷證也乾隆四十二年三月恭校上

總纂官臣紀昀臣陸錫熊臣孫士毅

總校官臣陸費墀

國語原序

昔孔子發憤於舊史垂法於素王左丘明因聖言以據
意託王義以流藻其淵源深大沈懿雅麗可謂命世之
才博物善作者也其明識高遠雅思未盡故復采錄前
世穆王以來下迄魯悼知伯之誅邦國成敗嘉言善語
陰陽律呂天時人事逆順之數以為國語其文不主於
經故號曰外傳所以包羅天地探測禍福發起幽微章
表善惡者昭然甚明實與經藝並陳非特諸子之倫也

遭秦之亂幽而復光賈生史遷頗綜述焉及劉光祿於漢成世始更考校是正疑繆至於章帝鄭大司農為之訓注解疑釋滯昭晰可觀至於細碎有所闕略侍中賈君敷而行之其所發明大義略舉為已僚矣然於文間時有遺忘建安黃武之間故侍御史會稽虞君尚書僕射丹陽唐君皆英才碩儒洽聞之士也采摭所見因賈為主而損益之觀其辭義信多善者然所注釋猶有異同昭以末學淺闇寡聞階數君之成訓思事義之是非

愚心頗有所覺今諸家並行是非相質雖聰明疏達識
機之士知所去就然淺聞初學猶或未能祛過切不自
料復為之解因賈君之精實采虞唐之信善亦以所覺
增潤補綴參之以五經檢之以內傳以世本考其流以
爾雅齊其訓去非要存事實凡所發正三百七事又諸
家紛錯載述為煩是以時有所見庶幾頗近事情裁有
補益猶恐人之多言未詳其故欲世覽者必察之也吳

韋昭撰

欽定四庫全書薈要卷八千四百三十九

史部

國語卷一

吳韋昭注

周語上

穆王將征犬戎

穆王周康王之孫昭王之子穆王滿也征正也上討下之稱犬戎西戎之別名

在荒服

祭公謀父諫曰不可

祭畿內之國周公之後為王卿士謀父字也傳曰凡蔣邢

茅昨祭周先王耀德不觀兵

耀明也觀示也明德尚道化也不示兵者有大罪惡

然後致誅不以小事而示威武

夫兵戢而時動動則威

戢聚也威畏也時動謂三時務

農一時講武守則觀則玩玩則無震玩躓也震懼也是故周文

公之頌曰文公周公旦之謚也頌時邁之詩武王既伐紂周公為作此詩巡守告祭之樂歌載

戢干戈載橐弓矢載則也干盾也戈戟也橐韜也言天

不復我求懿德肆于時夏懿美也肆陳也于於也時是用

故陳其功德於是夏而允王保之允信也信哉武王能歌之樂章大者曰夏保此時夏之美也

先王之於民也茂正其德而厚其性茂勉也性阜其財

求阜大也大其財而利其器用器兵甲也用明利害之

鄉示之以好惡鄉方也以文修之文禮法也使務利而避害懷德而畏

威故能保世以滋大

保守也滋益也

昔我先王世后稷

后君也稷官也

父子相繼曰世謂棄與不窋

以服事虞夏

謂棄為舜后稷不窋繼之於夏啓也

及夏之

衰也棄稷弗務

棄廢也衰謂啟子太康也廢稷之官不復務農夏書序曰太康失國昆弟五人

須于洛汭是也

我先王不窋用失其官

失稷官也不窋棄之子周之禘祫文武不先不

窋故通謂之王商頌亦以契為玄王

而自竄于戎翟之間

竄匿也堯封棄于邠至不窋失

官去夏而遷于邠邠西接戎北近翟

不敢怠業時序其德纂修其緒

纂繼也緒

事脩其訓典

訓教也典法也

朝夕恪勤守以惇篤奉以忠信奕

世載德不忝前人

奕亦前人也載成也忝辱也

至于武王昭前之光

明而加之以慈和事神保民莫不欣喜

保養也

商王帝辛

大惡于民

商殷之本號辛紂名也大惡大為民所惡

庶民弗忍欣戴武王以

致戎于商牧

戴奉也戎兵也牧商郊牧野

是先王非務武也勤恤民

隱而除其害也

恤憂也隱痛也

夫先王之制邦內甸服

邦內謂天子畿

內千里之地商頌曰邦畿千里惟民所止王制曰千里之內曰甸京邑在其中中央故夏書曰五百里甸服則古今同矣甸王田也服服其職業也自商以前并畿內為五服武王克殷周公致太平因禹所弼除畿內更制天下為九服千里之內謂之王畿王畿之外曰侯服侯服之外曰甸服甸服今謀父諫穆王稱先王之制猶以王畿為甸服者甸古名世俗所習也故周襄王謂晉文公曰昔我先王之有天下也規方千里以為甸服是也周禮亦

以蠻服為要服
邦外侯服
邦外侯服之外方五百里之

諸侯之近者
侯衛賓服
此總言之也侯侯圻也衛衛圻也言

圻圻五百里五五二千五百里中國之界也謂之賓服
常以服貢賓見于王五圻者侯圻之外曰甸圻甸圻之

外曰男圻男圻之外曰采圻采圻之外曰衛圻周書康
誥曰侯甸男采衛是也凡此服數諸家之說皆紛錯不

同惟賈
蠻夷要服
蠻蠻圻也夷夷圻也周禮衛圻之外

君近之
界也夷圻去王城四千里周禮行人職衛圻之外謂之
要服此言蠻夷要服則夷圻朝貢或與蠻圻同也要者

要結好信
戎翟荒服
戎翟去王城四千五百里至五千

而服從之
為蕃圻在九州之外荒裔之地與戎
甸服者祭
供日祭

地之君其見無數

侯服者祀

周侯祀也堯舜及周侯服皆歲見

賓服者享

供時享也

享獻也周禮甸圻二歲而見男圻三歲而見采圻四歲而見衛圻五歲而見其見也皆以所貢助祭于廟孝經

所謂四海之內要服者貢

供歲貢也要服六歲一見

荒服者王

王王事天

各以其職來祭要服者貢

祭日祭

子也周禮九州之外謂之蕃國世一見各以其所貴瑤為贅故詩曰自彼氐羌莫敢不來王

祭于祖考謂上月祀月祀于時享時享于歲貢歲貢于壇壇

終王

王終謂世終也朝嗣王及即位而來見

先王之訓也有不祭則修意

意也謂邦國之內有違闕不供日祭者先修意以自責畿內近知王意也有不祀則修言

言令有不享則修文

文法也有不貢則脩名

名謂尊卑職貢之名號晉語曰

信于名則上下不干有不王則脩德遠人不服則脩文德以來之序成而有不

至則脩刑序成謂上五者次序也已于是乎有刑不祭

伐不祀征不享讓不貢讓譴責也告不王謂以文詞告曉之地遠者卑輕也

于是乎有刑罰之辟刑不祭也有攻伐之兵伐不祀也有征討之

備征不享也有威讓之令讓不貢也有文告之辭告不王也布令陳辭

而又不至則增脩于德而無勤民于遠勤勞也是以近無

不聽遠無不服今自大畢伯仕之終也大畢伯仕犬戎氏之二君終卒

也犬戎氏以其職來王以其職謂其嗣子以其貴珪來見王也天子曰予

必以不享征之且觀之兵

享賓服之禮以責犬戎而示之兵法也

其無乃

廢先王之訓而王幾頓乎

幾危也頓敗也

吾聞夫犬戎樹惇

樹立

也言犬戎立性惇樸

能帥舊德而守終純固

帥循也純專也固一也言犬戎氏循先王

之舊德奉其常職天性專一終身不移不聽穆王責其不享也

其有以禦我矣

禦猶應也距也

王不聽遂征之得四白狼四白鹿以歸

白狼白鹿犬戎所貢

自是

荒服者不至

穆王責犬戎以非禮暴兵露師傷威毀信故荒服者不至

恭王游于涇上密康公從

恭王穆王之子恭王伊扈也涇水名康公密國之君姬姓

有三女奔之

奔不由媒氏也三女同姓

其母曰必致之於王

康公之母欲使

進於王夫獸三為羣自三以人三為衆女三為粦粦美貌王

田不取羣不盡羣也易曰王用三驅失前禽也公行下衆公諸侯也下衆不敢誣衆也禮

國君下卿位遇衆則式禮之也王御不參一族御婦官也參三也一族父子也故取異姓以備

三不參一族也夫粦美之物也衆以美物歸女而何德以堪之

也堪任也王猶不堪况爾小醜醜類也王者至尊且猶小醜不堪况女小人之類乎

備物終必亡言德小而物備終取之必以亡康公弗獻一年王滅密密

安定陰密縣是也近涇

厲王虐國人謗王厲王恭王之曾孫夷王之子厲王胡也謗誹也召公告王曰

民不堪命矣

召公召康公之孫穆公虎也為王卿士言民不堪暴虐之政令

王怒得衛

巫使監謗者

衛巫衛國之巫也監察也以巫有神靈有謗必知之

以告則殺之言

謗王王則殺之

國人莫敢言道路以目

不敢發言以目相眴而已

王喜告召

公曰吾能弭謗矣乃不敢言

弭止也

召公曰是障之也

障防

也防民之口甚於防川

流者曰川言川不可防而口又甚也

不川壅而潰傷

人必多

川之潰決害於人也

民亦如之

民之敗亂害於上也

是故為川決之

使導

為治也導通也

為民者宣之使言

宣猶放也觀民所失言以知其得失

故天

子聽政使公卿至於列士獻詩

獻詩以風也列士上士也

瞽獻曲

無目

曰瞽瞍樂師 史獻書史外史也周官外史掌三皇五帝之書 師箴師少師也箴箴

刺王闕以 瞽賦無眸子曰瞽賦賦公 瞽誦有眸子而無

正得失 瞽賦卿列士所獻詩也 瞽誦見曰瞽周禮

謂箴諫之語也 百工諫百工執技以事上者諫者執

莊公丹楹 庶人傳語庶人卑賤見時得失 近臣盡規近

刻稱者 庶人傳語不得達傳以語王也 近臣盡規臣

謂瞽僕之屬也盡規 親戚補察補補過察察政也傳曰

盡其規以告王也 親戚補察自王以下各有父兄子

弟以補 瞽史教誨瞽樂太師史太史也掌陰陽天時禮

瞽史焉 者艾脩之者艾師傳也脩師傳理 而後王斟酌

馬斟酌也 是以事行而不悖悖逆 民之有口也猶土之

有山川也財用於是乎出

猶若也山川所以宣地氣而出財用口亦以宣人心而言

善猶其有原隰衍沃也衣食於是乎生

廣平曰原下濕曰隰下平曰衍

有沃口之宣言也善敗於是乎興行善而備敗民所善者行之

其所惡所以阜財用衣食者也阜厚也

夫民慮之於心而

宣之於口成而行之胡可壅也若壅其口其與能幾何

與辭也能幾何言不久也

王弗聽於是國人莫敢出言三年乃流王

于羗

流放也羗晉地漢為羗縣屬河東今曰永安

厲王說榮夷公

說好也榮國名夷諡也

芮良夫曰

芮良夫周大夫芮伯也

王

室其將卑乎

卑微也

夫榮公好專利而不知大難

專擅也

夫

利百物之所生也

利生於物也專利是專百物

天地之所載也

載成也地

受天氣以成百物

而或專之其害多矣

害謂惡害榮公者多也孔子曰放於利而行多

怨

天地百物皆將取焉胡可專也

天地成百物民皆將取用之何可專其利

所怒甚多而不備大難以是教王王能久乎夫王人者

將導利而布之上下者也

導開也布賦也上謂天神下謂人物

使神人百

物無不得其極

極中也

猶日怵惕懼怨之來也

怵惕懼也

故

頌曰思文后稷克配彼天立我烝民莫匪爾極

頌周頌也思文

謂郊祀后稷以配天之樂歌經緯天地曰文克能也烝衆也莫無也匪不也爾女也極中也言周公思有文德

者后稷其功乃能配於天謂堯時鴻水稷播百穀立我衆民之道無不於女時得其中者功至大也大雅

曰陳錫載周

大雅文王之二章陳布也錫賜也言文王布賜施利以載成周道

是不布

利而懼難乎

言后稷文王既布利又懼難也

故能載周以至于今今王

學專利其可乎

言不可也

匹夫專利猶謂之盜王而行之其

歸鮮矣

鮮寡也歸附周者寡也

榮公若用周必敗既榮公為卿士

既已也卿士

諸侯不享王流于彘

享獻也

彘之亂宣王在召公之宮

宣王厲王之子宣王靖也國在召公宮者避難奔召公

人圍之召公曰昔吾驟諫王王不從是以及此難也

及至

今殺王子王其以我為懟而怒乎

殺王子令國人得殺之也

夫事君

者險而不懟

君諸侯也在危險之中不當懟懟謂若怨

怨

而不怒況事王乎

怨心望也怒作氣也

乃以其子代宣王宣王長

而立之

號之亂公卿相與和而脩政事號曰共和凡十四年而宣王立

宣王即位不藉千畝

藉借也借民力以為之天子藉田千畝諸侯百畝自厲王之流藉田

禮廢宣王即位號文公諫曰

賈侍中云文公文王母弟號仲之後為王卿士昭謂號叔

之後西虢也宣

王都鎬在畿內不可夫民之大事在農

農殺民之命故

上

帝之染盛於是乎出

出於農也器實曰染在器曰盛

民之蕃庶於是乎

生

蕃息也庶衆也

事之共給於是乎在

共具也給足也

和協輯睦於是

乎興

協合也輯聚也睦親也

財用蕃殖於是乎始

殖長也

敦龐純固

於是乎成

敦厚也龐大也是故稷為大官

民之大事在農故稷之職為大官

古

者大史順時覲土

也覲視也

陽瘴憤盈土氣震發

瘴厚也憤積也盈滿也

也震動也發起也

農祥晨正

農祥房星也晨正謂立春之日晨中於午也農事之候故曰農祥

日月底于天廟

底至也天廟營室也孟春之月日月皆在營室

土乃脈發

脈理也農

書曰春土長冒掇陳根可拔耕者急發

先時九日

先先立春日也

大史告稷曰自

今至于初吉

初吉二月朔日也詩云二月初吉

陽氣俱蒸土膏其動升

也膏土潤也其動潤澤欲行

弗震弗渝脈其滿膏穀乃不殖

震動也渝變也

肯留也言陽氣俱升土膏欲動當即發動變寫其氣不然則脈滿氣結更為留病穀乃不殖

稷以告

王以大史之言告王

曰史帥陽官以命我司事

史大史陽官春官司事主農事

也曰距今九日土其俱動

距去也

王其祗祓監農不易

祗敬

也祓齊戒祓除也不易不易物土之宜

王乃使司徒咸戒公卿百吏庶民

百吏百官也庶民甸師氏所掌之民主耕耨王之藉田者

司空除壇于藉

司空掌地也

命

農大夫咸戒農用

農大夫田畯也農用田器也

先時五日

先耕也

瞽告

有協風至

舊樂大師知風聲者協和也風氣和時候至也立春日融風

王即齊宮

所

之百官御事各即其齊三日

御治也

王乃淳濯饗醴

淳沃也

溉也餐飲也謂

及期

期耕日也

鬱人薦鬯

鬱鬱金香草宜以和鬯酒也周禮鬱

人掌裸器凡祭祀賓客和鬱鬯以實彝而陳之共王之齊鬯

犧人薦醴

犧人司尊也掌共酒醴者

王裸鬯饗醴乃行

裸灌也灌鬯飲醴皆所以自香潔

百吏庶民畢從及

藉后稷監之

也

膳夫農正陳藉禮

膳夫上士也掌王之飲食膳羞之饋

食農正田大夫主敷陳藉禮而祭其神為農祈也

大史贊王

贊導也

王敬從之王

耕一墾

一墾一耜一耜之墾也王無耦以一耜耕

班三之

班次也三於下各三其上也王一墾公三

卿九大夫

庶人終于千畝

終盡耕也

其后稷省功大史監之

司徒省民大師監之畢宰夫陳饗膳宰監之

宰夫下大宰也膳宰

膳夫

膳夫贊王王歆大牢

歆饗也

班嘗之

公卿大夫也

庶人終

食終畢

是日也瞽帥音官以風土

音官樂官也風土以音律省土風風氣和

則土氣養廩于藉東南鍾而藏之

廩御廩一名神倉東南生長之處鍾聚也謂為廩以

藏王所藉田

而時布之于農

布賦也

稷則徧戒百姓紀農

協功也紀猶綜理也

曰陰陽分布震雷出滯

陰陽分布日夜同也滯蟄蟲也

明堂月令曰日夜分雷乃發聲始電蟄蟲咸動啟戶始出

土不備望辟在司寇

望發也辟

皋也在司寇司寇行其皋乃命其旅曰狗旅衆也農師一之一之先

師上農正再之農農正后稷之佐田后稷三之后稷農官

正農司空四之司空司空主道路溝司徒五之司徒省民大保

六之大師七之大保大師天子三公佐王論道大史八

之大史掌達官府宗伯九之宗伯卿官掌相王之禮

大史王則大猷大猷即公卿大夫親行農也耨穫亦如之如之如民用

莫不震動恪恭于農用謂田器也脩其疆畔日服其耨不解

于時疆境也畔界財用不乏民用和同是時也王事唯

農是務無有求利於其官以干農功

求利謂變易役使干亂農功

三

時務農而一時講武

三時春夏秋一時冬也講習也

故征則有威守則

有財若是乃能媚於神

媚說也

而和於民矣則享祀時至

而布施優裕也

優饒也裕緩也

今天子欲脩先王之緒而棄其

大功匱神之祀而困民之財

匱神之祀不耕藉也困民之財取於民也

將何

以求福用民王弗聽三十九年戰于千畝王師敗績于

姜氏之戎

姜氏之戎西戎之別種四嶽之後也傳曰我諸戎四嶽之裔胄言宣王不納諫務農無以

事神使民以致弱敗之咎

魯武公以括與戲見王

武公伯禽之玄孫獻公之子武公教也括武公長子伯御也戲

括弟懿公也

王立戲

以為太子

樊仲山父諫曰不可立也

仲山父王卿士

食采於樊

不順必犯

不順立少也犯魯必犯王命而不從

王命必誅故出令

不可不順也令之不行政之不立

令不行即政不立

行而不順

民將棄上

使長事少故民必棄上

夫下事上少事長所以為順也

今天子立諸侯而建其少是教逆也若魯從之而諸侯

倣之王命將有所壅

言先王立長之命將壅塞不行

若不從而誅之是

自誅王命也

誅王命者先王之命立長今魯亦立長若誅之是自誅王命也

是事也誅

亦失不誅亦失

誅之則誅王命不誅則王命廢

天子其圖之王卒立之

魯侯歸而卒及魯人殺懿公懿公

懿公戲也

而立伯御

伯御括也

三十

二年春宣王伐魯立孝公

孝公懿公之弟稱也

諸侯從是而不睦

從是而不相睦睦於王

宣王欲得國子之能導訓諸侯者

賈侍中云國子諸侯之嗣子或云國子諸

侯之子欲使訓導諸侯子也唐尚書云國子謂諸侯能

治國子養百姓者昭謂國子同姓諸姬也凡王之子弟

謂之國子導訓諸

樊穆仲曰魯侯孝

穆仲仲山父之諡也猶魯叔孫穆子

侯謂為州伯者

謂之穆叔王曰何以知之對曰肅恭明神而敬事耆老

耆凍梁也

賦事行刑必問於遺訓

遺訓先王之教

而咨於故實

咨謀也故實故事之

是不干所問不犯所咨王曰然則能訓治其民矣乃命

魯孝公於夷宮

命為侯伯也夷宮者宣王祖父夷王之廟古者爵命必於祖廟

宣王既喪南國之師

喪亡也敗于姜戎氏時所亡也南國江漢之間也詩曰滔滔江漢南

紀國之乃料民於太原

料數也大原地名

仲山父諫曰民不可料

也夫古者不料民而知其少多司民協孤終

司民掌登萬民之數

自生齒以上皆書於版協合也無父

司商協名姓

司商掌賜

族受姓之官商金聲清謂人始生吹律合之定其姓名

司徒協旅

司徒掌合師旅之衆

司寇

協姦

司冠刑官也掌合姦民以知死刑之數

牧協職

周禮牧人掌牧養犧牲合其物色之數

工協革

工百工之官革更也更制度者合其數也

場協入

場人掌場圃委積之珍物斂而藏之

廩協出

廩人掌九穀出用之數

是則少多死生出入往來者皆可

知也於是乎又審之以事

事謂因藉田與蒐狩以簡知其數也

王治農於

藉

藉藉於千畝田也

蒐于農隙

春田曰蒐蒐擇也禽獸懷妊未著搜而取之也農隙仲春既耕

之後

耨獲亦於藉

言王亦至於藉考課之

獮於既烝

秋田曰獮獮殺也順時始

殺也烝升也月令孟秋乃升

狩於畢時

冬田曰狩圍守而取之畢時時

務畢也

是皆習民數者也又何料焉

習簡也

不謂其少而大

料之是示少而惡事也

言王不謂其衆少而大料數之是示以寡少又厭惡政事不能

脩之臨政示少諸侯避之意也

示天下以寡弱諸侯將避遠王室不親附也

治民

惡事無以賦令

言厭惡政事無以賦令也

且無故而料民天之所惡

也故事也天道清淨也

害於政而妨於後嗣

害政賊為政之道也妨後嗣為將有禍亂

也王卒料之及幽王乃廢滅

幽王宣王之子幽王宮湮也滅謂滅西周也

幽王三年西周三川皆震

西周鎬京也幽王在馬邠岐之所近也三川涇渭洛出於

岐山也震動也地震故三川亦動也川竭也

伯陽父曰周將亡矣

伯陽父夫周大夫

天地之氣不失其序

序次也

若過其序民亂之也

過失也言民者

不敢斥

陽伏而不能出陰迫而不能蒸

蒸升也陽氣在下陰氣迫之使

不能升也

於是有地震

陰陽相迫氣動於下故地震也

今三川實震是陽失

其所而鎮陰也

鎮為陰所鎮窄也

陽失而在陰

在陰在陰下也

川源必

塞

地動則泉源塞

源塞國必亡

國依山川今源塞故國將亡也

夫水土演而民

用也

水土氣通為演演猶潤也演則生物民得用之

水土無所演民乏財用不

亡何待

水氣不潤土枯不養故乏財用

昔伊洛竭而夏亡

竭盡也伊出熊耳洛出家

嶺禹都陽城伊洛所近

河竭而商亡

商人都衛河水所經

今周德若二代之

季矣

二代之季謂桀紂也

其川源又塞塞必竭夫國必依山川

依其

精氣利
澤也

山崩川竭亡之徵也川竭山必崩

水泉不潤枯朽而崩

若

國亡不過十年數之紀也

數起於一終於十十則更故曰紀也

夫天之所

棄不過其紀是歲也三川竭岐山崩十一年幽王乃滅

周乃東遷

東遷謂平王遷於洛邑

惠王三年

惠王周莊王之孫釐王之子惠王母涼也三年魯莊十九年

遘伯石邀為

國出王而立子積

三子周大夫也積莊王之少子王姚之子王姚嬖於莊王生子積子積有

寵為國為之師及惠王即位取為國之圃及邊伯之宮又收石邀之秩故三子出王而立子積王處于

鄭三年王子積飲三大夫酒子國為客

子國為國也客上客也

樂

及徧儻

徧儻六代之樂也謂黃帝曰雲門堯曰咸池舜曰蕭韶禹曰大夏殷曰大濩周曰大武一曰諸

大夫徧儻也

鄭厲公見虢叔

厲公鄭莊公之子厲公突虢叔王卿士虢公林父也

曰吾

聞之司寇行戮君為之不舉

不舉不舉樂也

而况敢樂禍乎今

吾聞子積歌舞不息樂禍也夫出王而代其位禍孰大

焉臨禍忘憂是謂樂禍禍必及之盍納王乎虢叔許諾

鄭伯將王自圉門入虢叔自北門入

二門王城門也

殺子積及

三大夫王乃入

十五年有神降于莘

惠王十五年魯莊三十二年降下也言自上而下有聲象以接人莘

號王問於內史過內史周大夫過其名掌爵祿曰是何

故固有之乎故事也固對曰有之國之將興其君齊明

衷正齊一也衷中也精潔惠和其德足以昭其馨香惠愛也馨香芳馨之

升聞者其惠足以同其民人同猶一也神饗而民聽民神無怨

故明神降之觀其政德而均布福焉國之將亡其君貪

冒辟邪冒抵也淫佚荒怠麤穢暴虐其政腥臊馨香不登

腥臊臭惡也登上也芳馨不上聞於神其刑矯誣以詐用法

曰矯加誅無辜曰誣百姓攜貳攜離也貳二心也明神弗蠲蠲潔也而民有

遠志

欲叛也

民神怨痛無所依懷

懷歸也

故神亦往焉觀其

苛慝而降之禍

苛煩也慝惡也

是以或見神以興亦或以亡昔

夏之興也融降于崇山

融祝融也崇崇高山也夏居陽城崇高所近

其亡也

回祿信於聆隧

回祿火神再宿為信聆隧地名

商之興也禱杙次於丕

山

禱杙絲也過信曰次丕大邳山在河東

其亡也夷羊在牧

夷羊神獸牧商郊牧野

周之興也鸞鸞鳴於岐山

三君云鸞鸞鸞鳳之別名也詩云鳳皇鳴矣于彼高岡其

在岐山其衰也杜伯射王于郕

郕郕京也杜國伯爵陶唐氏之後周春秋曰宣

王殺杜伯而無辜後二年宣王會諸侯田于圃日中杜伯起于道左衣朱衣冠朱冠操朱弓朱矢射宣王中心

折脊而死

是皆明神之志者也

志記也見記錄在史籍者

王曰今是何神

也對曰昔昭王娶於房曰房后

昭王周成王之孫康王子昭王瑕也房國名

實有爽德協于丹朱

爽貳也協合也丹朱堯子

丹朱馮身以儀之生

穆王焉

馮依也儀匹也詩云實惟我儀言房后之行有似丹朱丹朱馮依其身而匹焉以生穆王是

實臨照周之子孫而禍福之夫神壹不遠徙遷

言神壹心依馮

於人不遠遷也

若由是觀之其丹朱之神乎王曰其誰受之對

曰在號土

言神在號號其受之

王曰然則何為

何為在號

對曰臣聞之

道而得神是謂逢福

逢迎也

淫而得神是謂貪禍

以貪今取禍

號少荒其亡乎王曰吾其若之何對曰使大宰以祝史

帥狸姓奉犧牲粢盛玉帛往獻焉

大宰王卿掌祭祀之式玉帛之事祝大祝

掌祈福祥史大史掌次主位狸姓丹朱之後神不歆非類故帥以往也純色曰犧

無有所也

祈求

也勿有求請禮之而已

王曰號其幾何對曰昔堯臨民以五

五年一巡

狩

今其胄見

胄後也謂丹朱之神

神之見也不過其物

物物數也

若由

是觀之不過五年王使大宰忌父

周公忌父也

帥傅氏及祝

史

傅氏狸姓也在周為傅氏

奉犧牲玉鬯往獻焉

玉鬯鬯酒之圭長尺二寸有瓚所以

灌地降神之器

內史過從至號

從從大宰而往也內史不號公掌祭祀王以其賢使聽之

亦使祝史請土焉

祝史號之祝史祝應史罵也

內史過歸告王曰虢

必亡矣不禋於神而求福焉神必禍之

潔祀曰禋

不親於民

而求用焉民必違之

用其財力也

精意以享禋也

享獻也

慈保

庶民親也

慈愛也保養也

今虢公動匱百姓以逞其違

逞快也違邪也

離民怒神而求利焉不亦難乎

求利謂請土

十九年晉取虢

惠王十九年

魯僖之二年

襄王使召公過及內史過賜晉惠公命

襄王周僖王之子孫惠王之子襄

王鄭也召公過召穆公之後召武公也為王卿士惠公晉獻公之庶子惠公夷吾也命瑞命諸侯即位天子賜

之命圭以
為瑞節

呂甥卻芮相晉侯不敬

呂甥瑕呂飴甥也卻芮冀芮皆晉大夫相

詔相禮儀不敬慢惰也

晉侯執玉卑拜不稽首

玉信圭侯所執長七寸卑下也禮執

天子器則上衡稽首至地也

內史過歸以告王曰晉不亡其君必無

後

後後嗣也

且呂卻將不免王曰何故對曰夏書有之曰衆

非元后何戴

夏書逸書也元善也后君也戴奉也

后非衆無與守邦

邦國也

在湯誓曰余一人有臯無以萬夫

湯誓商書伐桀之誓也今湯誓無此言則

已散亡矣天子自稱曰余一人余一人有臯無臯萬夫

萬夫有臯在余一人

在余一人

乃我敎在般庚曰國之臧則維女衆

般庚殷王祖乙之子今商書般庚是

也臧善也國俗之善國之不臧則維余一人是有逸罰

則維女衆歸功於下逸過也罰猶辜也國俗之不善則維余一人是我有過也言其辜當在我如是則長衆使民

不可不慎也民之所急在於大事大事戎祀也先王知大事

之必以衆濟也故祓除其心以和惠民祓猶拂也考中度衷

以泣之泣臨也考中省已之中心恕以臨之昭明物則以訓之事

也則制義庶孚以行之義宜也庶衆也孚信也當制祓

除其心精也精潔也考中度衷忠也忠恕也昭明物則禮也

制義庶孚信也然則長衆使民之道非精不和非忠不

立非禮不順非信不行今晉侯即位而背內外之賂外

不予秦地背內虐其處者棄其信也

虐其處者殺里丕之黨

不敬

王命棄其禮也施其所惡棄其忠也

已所不欲勿施於人所惡於下不以

事上令晉侯皆施之以惡實心棄其精也

實滿也

四者皆

棄則遠不至而近不和矣

四者精忠禮信也

將何以守國古者

先王既有天下又崇立於上帝明神而敬事之

崇尊也立立其

祀也上帝天也於是乎有朝日夕月以教民事君

禮天子以

春分朝日以秋分夕月拜日於東門諸侯春秋受職于

之外然則夕月在西門之外必矣

王以臨其民

言不敢專也

大夫士日恪位著以儆其官

中庭之左

右曰位門屏之間曰著

庶人工商各守其業以共其上猶恐有墜

失也故為車服旗章以旌之

旌表也車服旗章上下有等所以章明貴賤為之表

識為摯幣瑞節以鎮之

鎮重也摯六摯也謂孤執皮帛卿執羔大夫執鴈士執雉庶人

執鷩工商執雞幣六幣也圭以馬璋以皮璧以帛琮以錦琥以繡璜以黼瑞六瑞也王執鎮圭尺二寸公執桓

圭九寸侯執信圭七寸伯執躬圭六寸子執穀璧男執蒲璧皆五寸節六節也山國用虎節土國用人節澤國

用龍節皆以金為之道路用旌節門闕用符節都鄙用管節皆以竹為之為班爵貴賤以列

之也班次為令聞嘉譽以聲之

謂有功德者則以策命述其功美進爵加錫以聲之

猶有散遷解慢而著在刑辟流在裔土

言為之法制備悉如此尚有放

散轉移解慢於事不奉職業者故加之刑辟流之荒裔也

於是乎有夷蠻之國

遂為夷蠻

之國有斧鉞刀墨之民

斧鉞大刑也刀墨謂以刀刻其額而以墨涅之

而況可

以淫縱其身乎夫晉侯非嗣也而得其位

嗣適

疊疊怵

惕保任戒懼猶曰未也

疊疊勉勉也保守也任職也居非其位雖守職戒懼猶未足也

若將廣其心

廣其心放情欲也

而遠其隣

背秦略也

陵其民

虐處者

而

卑其上

不敬王命

將何以固守

守守位也

夫執玉卑替其摯也

替廢

也廢其執摯之禮

拜不稽首誣其王也

誣罔也

替摯無鎮

鎮重也無以自

重誣王無民

民亦將誣之

夫天事恒象

恒常也事善象吉事惡象凶

任重

享大者必速及

速及於禍

故晉侯誣王人亦將誣之欲替其

鎮人亦將替之大臣享其祿弗諫而阿之亦必及焉

大

呂卻也享食也阿隨也

襄王三年而立晉侯

襄王三年魯僖之十年錫珣命在十一年

八年而隕於韓

八年魯僖之十五年秦怨惠公背施忘德舉兵伐之戰於韓原獲晉侯以歸隕

其師徒三十六年而晉人殺懷公懷公無胄

胄後也襄王十六年

魯僖之二十四年懷公惠公之子子圉也惠公卒子秦

國嗣立秦穆公納公子重耳晉人刺懷公於高梁

人殺子金子公

子金呂甥子公卻芮之字也二子悔納重耳欲焚公宮而殺公寺人披以告公

公潛會秦伯于王城二子焚公宮求
公不獲遂如河上秦伯誘而殺之

襄王使大宰文公及內史興賜晉文公命

大宰文公王卿士王子虎

也內史興周內史叔興父晉文公獻公之子惠公異母兄重耳也命命服也諸侯七命冕服七章

上卿

逆于境

逆迎也

晉侯郊勞

郊迎用辭勞也

館諸宗廟

館舍也舍于宗廟尊王命

也饋九牢

牛羊豕為一牢上公饗餼九牢

設庭燎

設大燭於庭謂之庭燎

及期命

於武宮

期將事之日也武宮文公之祖武公之廟也命受王之命

設桑主布几筵

獻主

公之主也練主用栗虞主用桑禮既葬而虞虞而作主天子於是爵命世子世子即位受命服也獻公死已久於此設之者文公不欲繼於惠懷故立獻公之主自以子繼父之位行未踰年之禮筵席也

大宰泣

之晉侯端委以入

說云衣玄端冠委貌諸侯祭服也昭謂此士服也諸侯之子未受爵命服

士服也

大宰以王命命冕服

冕大冠也服鷩衣也

內史贊之三命而

後即冕服

贊道也三命三讓後就命文公文公三讓後就

既畢賓饗贈餞如公

命侯伯之禮而加以宴好

賓者主人所以接賓致饗饗之屬饗饗食之禮贈致

贈賄之禮餞謂郊送飲酒之禮如公命侯伯之禮者如公受王命以侯伯待之之禮而又加以宴好也大宰

上卿也而言公者兼之

內史興歸以告王曰晉不可不善也其君

必霸逆王命敬

謂上卿逆於境晉侯郊勞

奉禮義成

謂三讓賓饗之屬皆如禮敬

王命順之道也成禮義德之則也則德以道諸侯諸侯

必歸之

也道訓

且禮所以觀忠信仁義也

言能行禮則忠有此四者

忠

所以分也

心中則不偏

仁所以行也

仁行則有恩

信所以守也

守信

則不義所以節也

制事之節

忠分則均仁行則報信守則固

義節則度

得其度也

分均無怨行報無匱守固不偷

偷苟且也節

度不攜

攜離也

若民不怨而財不匱令不偷而動不攜其

何事不濟中能應外忠也施三服義仁也

賈侍中云三謂忠信仁也

昭謂施三謂三讓也服義義宜也服得其宜謂端委也

守節不淫信也行禮不疚

義也

疚病也

臣入晉境四者不失

四者忠信仁義

臣故曰晉侯其

能禮矣王其善之樹於有禮艾人必豐

樹種也艾報也豐厚也

王

從之使於晉者道相逮也

逮及

及惠后之難王出在鄭

惠后周惠王之后襄王繼母陳嬀也陳嬀有寵生子帶將立之未及而卒子帶奔齊王復之又通于襄王之后

隗氏王廢隗氏周大夫頽叔桃子奉子帶以翟師伐周王出適鄭處于汜事在魯僖二十四年晉侯納

之納王于周而殺子帶

襄王十六年立晉文公

襄王十六年魯

僖二十三年二十一年以諸侯朝于衡離且獻楚捷遂為踐

土之盟

襄王二十一年魯僖二十八年也衡離踐土皆鄭地在今河內溫地捷勝也勝楚所獲兵衆文

公以僖二十八年夏四月敗楚師于城濮城濮衛地也旋至衡離天子臨之晉侯以諸侯朝王且獻所得楚兵

駟介百乘徒兵千也王命尹氏及王子虎內史叔興父
策命晉侯為侯伯賜之大輅之服戎輅之服彤弓一彤
矢百旅弓十旅矢千秬
於是乎始霸
宅一卣虎賁三百人

國語卷一

欽定四庫全書薈要卷八千四百四十

史部

國語卷二

吳韋昭注

周語中

襄王十三年

襄王十三年魯僖之二十一年也下事見二十四年

鄭人伐滑

滑姬姓小

國也先是鄭伐滑滑人聽命鄭師還又

王使游孫伯請

即衛故鄭公子士泄堵俞彌帥師伐滑

滑

游孫伯周大夫

鄭人執之

鄭人文公捷也鄭怨惠王之入而不與厲公爵又怨襄王之與衛滑

故不聽王命而執王使

王怒將以翟伐鄭

翟隗姓

富辰諫曰不可

富辰周古人有言曰兄弟讒閱侮人百里

閱很也兄弟雖以讒言相

遠很猶禁禦它人侵侮已者百里喻遠也

周文公之詩曰兄弟閱于牆外禦

其侮

文公之詩者周公旦之所作常棣之篇是也所以閱管蔡而親兄弟此二句其四章也禦禁也言雖

相與很於牆室之內猶能外禦異族侮害已者其後周室既衰厲王無道骨肉恩闕親親禮廢宴兄弟之樂絕故召穆公思周德之不類而合其宗族于成周復循常棣之歌以親之鄭唐二君以為常棣穆公所作失之矣

唯賈君得之穆公召康公之後

若是則閱乃內侮而雖

閱不敗親也

雖內相很外禦它人故不敗親

鄭在天子兄弟也

言與襄王有兄

弟之親

鄭武莊有大勲力于平桓

武鄭桓公之子武公滑突也莊武公之子莊公

寤生也王功曰勲平幽王之子平王宜曰也桓平王之
孫太子泄父之子桓王林也幽王既滅鄭武公以卿士
夾輔平王東遷洛邑桓王即位鄭莊公為之卿士以王
命討不庭伐宋八邲在魯隱十年唐尚書云王奪鄭伯
政鄭伯不朝王伐鄭鄭祝射王中肩豈得為功桓當
為惠傳曰鄭有平惠之勲昭謂鄭世有功而桓王不賞
又奪其政聃雖射王非莊公意又詩叙云桓王失信諸
侯背叛明桓王之非也下富辰又曰平桓莊惠皆受鄭
勞明各異人凡我周之東遷晉鄭是依

東遷謂平王也
晉語曰鄭先君

不為誤也

武公與晉文侯戮力一心子積之亂又鄭之由定

子積周莊

王之子惠王叔父也篡王而立惠王出今以小忿棄之

居鄭厲公殺子積而納之事在周語上

是以小怨置大德也無乃不可乎

置猶廢也詩云忘我大德思我小怨且

夫兄弟之怨不徵於它

徵召也它謂翟人

徵於它利乃外矣

外利

在翟章怨外利不義

章明也

棄親即翟不祥

祥善也棄親出翟師以伐鄭

以怨報德不仁

言鄭有德於王王怨而伐之是為不仁

夫義所以生利也

祥所以事神也仁所以保民也

保養也

不義則利不阜

阜厚

也不祥則福不降不仁則民不至古之明王不失此三

德者

三德仁義祥也

故能光有天下

光大也

而猷寧百姓令聞不

忘

不忘言德及後代也

王其不可以棄之王不聽

十七年王降翟師以伐鄭

降下也

王德翟人將以其女為

后富辰諫曰不可夫婚姻禍福之階也階梯也由之利內

則福

利內娶得偶而有福也

利外則取禍今王外利矣

樹利其無於翟

其無

乃階禍乎

為禍階也

昔摯疇之國也由大任

摯疇二國任姓矣仲虺之後

大任王季之妃文王之母詩云摯杞繒由大如杞繒二國如姓

仲氏任又曰思齊大任文王之母

夏禹之後大如之家也大齊許申呂由大姜

四國皆姜姓四岳之

後大姜之家大姜大

陳由大姬

陳嫪姓舜後大姬周武王之妃王季之母

曰以元女大姬配

是皆能內利親親者也

內利內行七德親親以申

虞胡公而封諸陳

固其

昔駟之亡也由仲任

駟姓之國仲任氏之女為駟夫人唐尚書云駟為鄭武

公所滅非取任氏而亡也昭謂幽王為西密須由伯姑
戎所殺而詩言褒姒滅之明禍有所由也密須由伯姑
伯姑密須之女也傳曰密須之鼓闕鞏之甲此則文王
所滅而獲鼓甲也大雅云密人不恭敢距大邦不由嫁
女而亡世本鄧由叔妘鄧妘姓之國叔妘同姓之女為
云密須姑姓鄧由叔妘鄧夫人唐尚書云亦鄭武公滅
之不由女亡也昭謂公羊傳曰先鄭伯有善聃由鄭姬
乎鄧公者通於夫人以取其國此之謂也聃由鄭姬
聃姬姓文王之子聃季之國鄭姬鄭女為聃夫人息由
同姓相取猶魯昭公取於吳矣亦其黷姓所以亡息由
陳媯於陳息媯之國陳媯陳女為息侯夫人蔡哀侯亦取
告息侯尊楚伐蔡蔡侯怨因稱息媯鄧由楚曼鄧曼姓
之美於楚子楚子遂滅息以息媯歸鄧由楚曼楚曼鄧
女為楚武王夫人生文王過羅由季姬羅熊姓之國季
鄧而利其國遂滅鄧而兼之羅由季姬姬氏之女為

羅夫人而亡其國也盧由荆媯女為荆夫人荆楚也是皆外利離

親者也外利行淫辟求利於外不能親親以亡其國王曰利何如而內何如

而外對曰尊貴明賢庸勲長老明顯也庸用也勲功也長老尚齒也愛親

禮新親舊親六親也新新來過賓也舊君之故舊也然則民莫不審固其心

力以役上令役為也官不易方方道也而財不匱竭貢賦有品財用

有節不求無不至動無不濟百姓兆民百姓百官也官有世功受氏姓

也十億夫人奉利而歸諸上是利之內也夫人猶人人也若七

德離判民乃攜貳判分也攜離也七各以利退以利利其身而

去退自營也

上求不暨是其外利也

暨至也

夫翟無列於王室

列位鄭伯南也王而卑之是不尊貴也

賈侍中云南者在南服之侯伯

或云南南面君也鄭司農云南謂子男鄭今之新鄭新

鄭之於王城為在畿內畿內之諸侯雖爵於侯伯周之

舊法皆食子男之地昭按內傳子產爭貢曰爵卑而貢

重者甸服也鄭伯男也而使從公侯之貢懼弗給也以

此言之鄭在男服明矣周公雖制土中設九服至康王

而西都鎬京其後衰微土地損減服制改易故鄭在男

服禮畿外之侯伯世位其見待重翟豺狼之德也鄭未

於采地之君故曰是不尊貴之也

失周典王而蔑之是不明賢也

蔑小也

平桓莊惠皆受鄭

勞王而棄之是不庸勲也

平王東遷依鄭武公桓王即位鄭莊公佐之莊桓王之子

莊王它也惠莊王之孫僖王之子惠王母涼也為子續所篡出居於鄭鄭厲公納之自平王以來鄭世有功故

曰皆受鄭鄭伯捷之齒長矣王而弱之是不長老也捷鄭

勞勞功也鄭文公之名翟隗姓也隗姓鄭出自宣王王而虐之是不

弱猶穉也鄭桓公友宣王之母弟出者愛親也鄭國之封出於宣王之世夫禮新不間舊間代

也王以翟女間姜任非禮且棄舊也姜氏任氏之女世

女代之為棄舊也王一舉而棄七德臣故曰利外矣書有之曰

必有忍也若能有濟也書逸書也若猶乃也濟成也王

不忍小忿而棄鄭又登叔隗以階翟階翟翟翟封豕豺

狼也不可厭也

厭封大也

王弗聽十八年王黜翟后

十八年魯

僖二十四年也

黜廢也翟后

翟人來誅殺譚伯

誅責也翟人奉

譚伯譚伯周大夫

富辰曰昔吾驟諫王王弗從以及此

難若我不出王其以我為懟乎乃以其屬死之

帥其徒屬以死

翟初惠后欲立王子帶故以其黨啓翟人

言初者惠后已死也以其

黨者謂積叔桃子緣惠后欲立子帶故以子帶之黨啓翟人伐周

翟人遂入周王乃出

居于鄭晉文公納之

王出適鄭居于汜也文公納之而殺子帶在魯僖之二十五年

晉文公既定襄王于郊

郊洛邑王城之地也

王勞之以地

王以其勤勞賞

之以地謂陽樊辭辭不請隧焉賈侍中云隧王之葬禮闕地通路曰隧昭謂隧

六隧也周禮天子遠郊之內有六鄉則六軍之事也外有六隧掌供王之貢賦唯天子有隧諸侯則無王

弗許曰昔我先王之有天下也規方千里以為甸服規

畫而以供上帝山川百神之祀以其職貢供王祭也上帝天神五帝也山川五

嶽河海也百神丘以備百姓兆民之用以待不庭不虞

之患百姓百官有世功者用財用也庭直也虞度其餘

以均分公侯伯子男其餘甸服之外地也均平也周禮

百里子二百寧安也使各有寧宇宇居也以順及天地無逢其

苗害

順順天地尊卑之義也若相侵犯則有苗害

先王豈有賴焉

賴利也言無所利皆

均分

內官不過九御

九御

外官不過九品

九品九卿周禮內有九室

九嬪

居之外有

足以供給神祇而已

言嬪與卿主祭祀也魯語曰日入監

九室

九卿朝焉

九御使潔奉禘郊之粢盛

豈敢厭縱其耳目心腹以亂百度

色心腹

嗜欲也亦唯是死生之服物采章

采章采色文章也死之服謂六隧之民引

王樞

以臨長百姓而輕重布之王何異之有

輕重布之貴賤各有

等也

王何異之

今天降禍苗於周室余一人僅亦守府

僅猶劣也

府又

不佞以勤叔父

勤勞也天子稱九州之長同姓曰叔父

而

班先王之大物以賞私德

班分也大物謂隧也

其叔父實應且憎

以非余一人余一人豈敢有愛也

應猶受憎惡也言晉文雖當私賞猶非我

一先民有言曰改玉改行

玉佩玉所以節行步也君臣尊卑遲速有節言服其服器

行其禮以言晉侯尚在臣位不宜有隧也

叔父若能光裕大德更姓改物以

創制天下自顯庸也

光廣也裕寬也更姓易姓也改物改正朔易服色也創造也庸用也

謂為天子創造制度自顯用於天下

而縮取備物以鎮撫百姓

縮引也備物隧之屬

余一人其流辟於裔土何辭之與有

流放也言將放辟於荒裔復何陳辭

有若猶是姬姓也

謂文公未更姓而王

尚將列為公侯以復先王

之職大物其未可改也

言文公若尚在公侯之位將成霸業以興王室復先王之職則

六隧未可改也

叔父其茂昭明德物將自至

茂勉也言有天子則隧自至也余

敢以私勞變前之大章以忝天下

章表也所以表明天子與諸侯異物也

其若先王與百姓何

言無以奉先王鎮撫百姓

何政令之為也

何以復臨

百姓而為政令乎

若不然叔父有地而隧焉

自制以余安能知為隧也

之所不敢禁

文公遂不敢請受地而還

王至自鄭

襄王從鄭至王城魯僖公二十五年也

以陽樊賜晉文公

陽樊二邑

在畿內也陽人不服

不肯屬晉晉侯圍之倉葛呼曰

倉葛陽人也

王以

晉君為能德

為能布德行

故勞之以陽樊陽樊懷我王德是

以未從於晉

懷思也

謂君其何德之布以懷柔之

懷來也柔安也

使無有遠志

遠志離畔也

今將大泯其宗祊

泯滅也廟門謂之祊宗祊猶宗

廟而蔑殺其民人

蔑猶滅也

宜吾不敢服也夫三軍之所尋

尋討也

將蠻夷戎翟之驕逸不虔於是乎致武

謂諸夏之國為蠻夷

之行王於是此羸者陽也未狎君政

羸弱也狎習也

故臣承命

君若惠及之唯官是徵其敢逆命

官晉有司也徵召也

何足以辱

師君之武震無乃玩而頓乎

震威也玩黷也言舉非義兵誅罰失當故君之武威

將見慢黷而頓弊之

臣聞之曰武不可覲文不可匿

覲見也匿隱也言不當尚

武隱

覲武無烈

烈威也

匿文不昭陽不承獲甸而祇以覲

武臣是以懼不然其敢自愛也

祇適也言陽人既不得承王室為甸服又懼晉

不惠恤其民適以震威耀武而見

且夫陽豈有裔民裔

殘破不然豈敢自愛而不服乎

謂凶惡之民夫亦皆天子之父兄甥舅也

謂凶惡之民

夫亦皆天子之父兄甥舅也

謂吾舅者吾謂之甥若

之何其虐之也晉侯聞之曰是君子之言也乃出陽民

去令

溫之會晉人執衛成公歸之於周

溫晉之河陽也成公衛文公之子成公鄭

也晉文公討不服衛成公恃楚而不從聞楚師敗于城濮懼出奔楚使元咺奉弟叔武以受盟于踐土或愬元咺曰立叔武矣衛侯殺其子角咺不廢命奉叔武以守晉人復衛侯衛侯先期入叔武將沐聞君至喜捉髮走出前驅射而殺之元咺出奔晉會于溫討不服衛侯與元咺訟不勝故晉侯執之歸之于京師在魯僖二十八年晉侯請殺之王曰不可夫政自上下者也當從王出也上

作政而下行之不逆故上下無怨言君臣不相怨今叔父作政

而不行無乃不可乎不行謂不順也言晉侯不行德政而聽元咺之愬欲殺衛侯夫

君臣無獄獄訟也無是非曲直獄訟之義今元咺雖直不可聽也君臣

皆獄父子將獄是無上下也而叔父聽之一逆矣又為

臣殺其君其安庸刑

庸用也刑法也

布刑而不庸再逆矣一合

諸侯而有再逆政余懼其無後也

無後無以復合諸侯

不然余何

私於衛侯晉人乃歸衛侯

在魯僖

三十年晉侯使醫衍酖衛侯不死魯僖為請于王

及晉侯皆納玉
十穀於是歸之

二十四年秦師將襲鄭過周北門

襄王二十四年魯僖之三十二年秦師秦

大夫孟明視之師也輕曰

左右皆免胄而下拜超乘者

三百乘

左車左也右車右也言免胄則不解甲而拜矣超乘跳躍上車無威儀所以敗也

王孫

滿觀之言於王曰秦師必有適

滿周大夫王孫之名適猶咎也

王曰何

故對曰師輕而驕

輕謂超乘也驕謂士卒不肅也

輕則寡謀驕則無禮

無禮則脫

脫簡脫也謂不敦旅整陳

寡謀自陷入險而脫能無敗乎

險謂殺地

秦師無適是道廢也

是古道廢

是行也秦師還

鄭商覺之矯以

鄭伯之命

晉人敗諸穀獲其三帥丙術視

穀晉地也在令弘農三帥

秦三將謂白乙丙西乞術孟明視

晉侯使隨會聘于周

晉侯晉文公之孫成公之子景公孺也隨會晉正卿士薦之孫成伯

之子士季

定王饗之穀

定王周襄王之孫頃王之子定王榆也

穀原公相禮

原公周卿士原襄公也相佐也

范子私於原公

范子隨會也食采於

隨范故或曰隨會或曰范會曰吾聞王室之禮無毀折今此何禮也

王見其語也召原公而問之原公以告以士季之言告王也王召

士季季范武子字曰子弗聞乎禘郊之事則有全烝全烝全其牲體

而升之凡禘郊皆血腥也王公立飲則有房烝王天子公諸侯也禮之立成者為飲房大

俎也詩云蕷豆大房謂半解其體升之房也親戚宴饗則有殽烝殽烝升體解節折之

俎謂之折俎也今女非它也而叔父使士季實來修舊德以獎

王室獎成也唯是先王之宴禮欲以貽女貽遺也余一人敢

設飲禘焉飲半體禘全體忠非親禮而干舊職以亂前好也忠厚

禮親戚宴饗之禮也舊職

且唯夫戎翟則有體薦

體委與之

也

夫戎翟冒沒輕僥貪而不讓

冒抵觸也沒入也

其

血氣不治若禽獸焉其適來班貢不俟馨香嘉味

適往也班

賦也故坐諸門外而使舌人體委與之

舌人能達異方之志象胥之官也

女令我王室之一二兄弟以時相見

兄弟將蘇協典禮

以示民訓則

協合也典常也

無亦擇其柔嘉

無亦不亦也柔脆也嘉美也

選

其馨香潔其酒醴品其百籩

籩竹器容四升其實棗栗糗餌之屬

修其簠

簠

修備也簠簠泰稷之器

奉其犧象

犧犧尊飾以犧牛象象尊以象骨為之飾

出其尊

彝尊彝皆受陳其鼎俎俎設於左牛豕為一列魚滸其

巾幕滸潔也巾幕所以覆尊彝敬其祓除祓除猶掃除也體解節折而共飲

食之於是乎有折俎加豆加豆謂既食之後所加之酬豆也其實芹菹兔醢之屬酬

幣宴飧酬報也聘有酬賓束帛之禮其宴束帛為好謂之宴貨以示容恰好示容儀合

和好胡有子然其效戎翟也子然全體之貌夫王公諸侯之有

飲也將以講事成章講講軍旅議大事也章章程也建大德昭大物也

大德大功大物戎器也故立成禮烝而已立成不坐也烝升也升其備物而已飲以

顯物宴以食好顯物示物備也歲飫不倦歲行飫禮不時宴不

淫

一時之間必有宴禮不至于淫酒

月會

會計也計一月之經用

旬修

修十日之中所成為

者

日完不忘

日完一日之所為禮也

服物昭庸采飾顯明功

也冕服旗章所以昭有功采色之飾所以顯明德也

文章比象

黼黻繪繡之文章也比象比文以象

山龍華蟲之屬

周旋序順

周旋容止也序次也各以次比順於禮也

容貌有崇

崇飾也容

止可威儀有則

則法也其威可畏其儀可度也

五味實氣

味以實氣氣以行志

色精心

五色之章所以異賢不肖精其心也

五聲昭德

昭德謂政平者其樂和也亦謂見其

樂知五義紀宜

五義謂父義母慈兄弟恭子孝也

飲食可饗餼同可觀

穀烝故可饗以可去否曰和一心不

財用可嘉

酬幣宴貨以將

厚意故則順而德建

則法也建立也

古之善禮者將焉用全烝

武子遂不敢對而退歸乃講聚三代之典禮

三代夏殷周也

於

是乎修執秩以為晉法

秩常也可奉執以為常晉文公蒐於被廬作執秩之法自靈公

以來闕而不用故武子修之以為晉國之法

定王使單襄公聘于宋

單襄公王卿士單朝也聘問也問者王之所以撫萬國存省之

遂假道於陳以聘於楚

假道自宋適楚經陳也是時天子微弱故以諸侯相聘之禮假

道也聘禮若過國至于境使次介假道束帛將命于廟

火朝覲矣道第不可行也

火心星也覲見也草穢塞路為第朝見謂夏正十月晨見於辰

侯不在疆

侯侯人也掌送迎賓客者

疆境也
司空不視塗司空掌道路者澤不陂陂障也古不川不梁

流曰川梁渠梁古野有庾積唐尚書云十六斗曰庾昭謂此庾露積穀也詩云曾

不防川故渠之孫之庾如坻場功未畢治場未畢也詩云九月築場圃道無列樹古者

如京是也以表道且為墾田若藝言其稀少猶若藝物膳宰不致

城守之用膳宰膳夫也掌賓客之牢禮生曰饌司里不授館司里宰也國無寄

寓寓亦寄也無寄寓者不為縣無施舍四甸為縣縣方廬舍可以寄羈旅之客

客負任民將築臺于夏氏民陳國之民臺觀臺也夏及

陳陳靈公與孔寧儀行父南冠以如夏氏留賓弗見及

也陳靈公舜後恭公之子靈公平國也孔寧儀行父陳之二卿南冠楚冠也如往也往徵舒之家淫夏姬賓單襄公單子歸告王曰陳侯不有大咎國必亡也單子襄公也卿大夫

稱子於其王曰何故對曰夫辰角見而雨畢辰角大辰私土稱公王曰何故對曰夫辰角見而雨畢蒼龍之角

角星名也見者朝見東方建戌之初寒天根見而水涸露節也雨畢者殺氣日至而雨氣盡也

天根亢氏之間也涸竭也謂寒露雨畢之後五日天根朝見水潦盡竭也月令仲秋水始涸天根見乃盡竭

本見而草木節解本氏也謂寒露之後十日陽見而氣盡草木之枝節皆理解也馬見而

隕霜謂建戌之中霜始降也火見而清風戒寒謂霜降之後清

風先至所以戒故先王之教曰雨畢而除道水涸而成人為寒備也

梁教謂月令之屬也九月草木節解而備藏備收藏也月令季秋農事

畢隕霜而冬裘具孟冬則天子始裘故九月可以具之清風至而修城郭

宮室謂火見之後建亥之初也故夏令曰九月除道十月成梁夏令夏后

氏之令周所以因也除道所以便其時敝曰收而場功待

而畚梲時敝時以敝告其民也收而場功使人修囷倉也待具也畚器名土籠也梲畀土之器具汝畚

梲將以營室之中土功其始定謂之營室謂建亥小雪

可以始也詩云定火之初見期于司里期會也致其築

里之此先王之所以不用財賄而廣施德於天下者也

施德謂因時警戒謹蓋藏成策功也

今陳國火朝覲矣而道路若塞野場

若棄澤不陂障川無舟梁

舟梁以舟為梁也

是廢先王之教也

周制有之曰列樹以表道立鄙食以守路

制法也表識也鄙四鄙十

里有廬廬有飲食

國有郊牧

國外曰郊牧放牧之地

量有寓望

量境也鄙境之上

寄寓之舍

數有圃草

澤無水曰數圃大也必有茂大之草以備財用

圃有林池

圃苑也林積木池積水也

所以禦留也

禦備也留饑兵也

其餘無非穀土民

無縣耜

言常用也入土耜耜柄曰耒

野無與草

皆墾辟也與深也

不奪民時

不蔑民功

蔑棄也

有優無匱有逸無罷國有班事

國城邑也班次

也執事縣有序民縣鄙之民從事有序今陳國道路不可知田在

草間不墾功成而不收野場若棄也民罷於逸樂罷於為國君作逸樂

之事是棄先王之法制也周之秩官有之秩官周常曰敵

國賓至闕尹以告敵國位敵也闕尹司闕掌四方賓客

闕人問從者幾人遂以入境告也行理以節逆之理吏也逆迎也執瑞

理人候人為導導賓至於朝出送之境卿出郊勞聘禮曰賓至于

服用束門尹除門門尹司門也除宗祝執祀宗宗伯祝

祀賓將有事於廟則司里授館司里授客所當館次司

徒具徒

具徒役修道路之委積

司空視塗

視險易也

司寇詰姦

禁詰姦盜

虞

人入材

虞人掌山澤之官祭祀賓客各供其材

甸人積薪

甸人掌薪蒸之官也

火師

監燎

火師司火燎庭燎也

水師監濯

水師掌水監滌濯之事者

膳宰致饗

熟食曰饗

廩人獻餼

生曰餼禾米也

司馬陳芻

司馬掌帥圉人養馬故陳芻圉人職屬司馬

工

人展車

展省客車補傷敗也

百官官以物至

物事也

賓入如歸是故

小大莫不懷愛

小大謂賓介也

其貴國之賓至則以班加一等

益虔

貴國大國也班次也

至于王使則皆官正蒞事

正長也蒞臨也

上卿

監之

監視也

若王巡守則君親監之

周禮王十二歲一巡守

今雖朝

也不才有分族於周

朝單子之名有分族王之親族也

承王命以為過

賓於陳

假道為過賓

而司事莫至是蔑先王之官也

蔑欺也先

王之令有之曰

文武之教

天道賞善而罰淫故凡我造國無

從匪彛

造為也彛常也

無即怙淫

即就也怙慢也

各守爾典以承天休

典常也休慶也

令陳侯不念脣續之常棄其伉儷妃嬪

伉儷對也

而帥其卿佐以淫於夏氏不亦瀆姓矣乎

卿佐孔儀也賈唐二君云

姓命也一曰夏氏姬姓鄭女亦姬姓故謂之瀆姓昭謂夏徵舒之父御叔即陳公子夏之子靈公之從祖父媯

姓也而靈公淫其妻是為褻瀆其姓陳我大姬之後也

大姬周武王之女虞胡公之妃陳之

祖妣也棄衮冕而南冠以出不亦簡彝乎衮卷龍之衣冕大冠也公之盛

服簡畧也彝常也言其棄禮簡畧常服也是又犯先王之令也先王之令無從匪彝昔

先王之教茂帥其德也猶恐隕越言勉帥其德猶恐落墜若廢其

教而棄其制蔑其官而犯其令將何以守國則危居大

國之間晉楚大國而無此四者其能久乎四者謂教六年單制官令也

子如楚定王六年魯宣之八年八年陳侯殺于夏氏八年魯宣之十年也陳靈

公與孔寧儀行父飲酒于夏氏公謂行父曰徵舒似汝對曰亦似君徵舒病之公出自其廐射而殺之九

年楚子入陳楚子莊王也入陳討夏氏殺君之罪既滅陳而復封之故曰入唐尚書云遂取陳以

為縣
誤也

定王八年使劉康公聘于魯

劉畿內之國康公王卿士王季子也

發幣於

大夫

發其禮幣於魯大夫

季文子孟獻子皆儉

二子魯卿季文子季友之孫齊仲無

秩之子季孫行父也孟獻子仲慶父之曾孫公孫叔孫教之孫孟文伯歆之子仲孫蔑也儉居處節儉也叔孫

宣子東門子家皆侈

二子魯大夫叔孫宣子叔牙之曾孫莊叔得臣之子叔孫僞如也東

門子家莊公之孫東門襄仲之子公孫歸父也

歸王問魯大夫孰賢對曰季孟

其長處魯乎

言儉也

叔孫東門其亡乎

言侈也

若家不亡身

必不免王曰何故對曰臣聞之為臣必臣為君必君

臣尚

敬君尚
惠也

寬肅宣惠君也

肅整也宣徧也惠愛也

敬恪恭儉臣也寬

所以保本也

本位也寬則得衆故可以守位

肅所以濟時也

濟成也

宣所

以教施也

施徧則民不怨

惠所以和民也本有保則必固時動

而濟則無敗功

不干時而動則無敗功也

教施而宣則徧惠以和民

則阜

阜厚也

若本固而功成施徧而民阜乃可以長保民

矣其何事不徹

徹達也

敬所以承命也恪所以守業也恭

所以給事也儉所以足用也

儉則有餘故所以足用

以敬承命則

不違以恪守業則不懈以恭給事則寬於死

寬猶遠也

以儉

足用則遠於憂

無乏絕之憂且遠驕僭之罪也

若承命不違守業不懈

寬於死而遠於憂則可以上下無隙矣

上下君臣也隙瑕釁也

其

何任不堪上任事而徹下能堪其任所以為令聞長世

也

長世多歷年也

今夫二子者儉其能足用矣

二子季孟言二

用足則族可以庇

庇覆也恭儉節用無取於民國

二

子者侈侈則不恤匱匱而不恤憂必及之

志在奢侈不恤人之窮匱

故憂患必及之

若是則必廣其身

廣大也務自大

且夫人臣而

侈國家弗堪亡之道也王曰幾何對曰東門之位不若

叔孫而泰侈焉不可以事二君

東門大夫叔孫卿也位在人下而侈其上重而

無基故不可

叔孫之位不若季孟而亦泰侈焉不可以

事三君

叔孫下卿季孟上卿

若皆蚤世猶可

蚤世蚤即亡也其家猶可以免也

若

登年以載其毒必亡

登年多歷年也載行也毒害也必亡家必亡也

十六年魯

宣公卒

定王十六年宣之十八年

赴者未及東門氏來告亂子家

奔齊

來告告周大夫也東門子家謀去三桓使如晉未反宣公薨三桓逐子家遂奔齊也諸侯大夫以君

命使出出必有禮贄私覲之事以通情結好吉凶相告子家嘗使于周故以亂告也告在魯宣十八年赴者未

及明不

簡王十一年魯叔孫宣伯亦奔齊成公未沒二

及二君

年簡王定王之子簡王夷也十一年魯成十六年也宣伯僑如也通於宣公夫人穆姜欲去季孟而專公室國民逐之故出奔齊言成公未沒二年明不及三君也

簡王八年魯成公來朝

簡王八年魯成十三年也使叔

孫僑如先聘且告

使僑如先修聘禮且告周以成公將朝也

見王孫說與之

語

說周大夫也

說言於王曰魯叔孫之來也必有異焉其享

覲之幣薄而言諂殆請之也若請之必欲賜也魯執政

唯強故不歡焉而後遣之

魯執政之人唯畏其強禦難距其欲故不歡說而後遣之

且其狀方上而銳下宜觸冒人王其勿賜若貪陵之人

來而盈其願是不賞善也且財不給

給供也

故聖人之施

舍也議之

施予也舍不予也

其喜怒取予也亦議之是以不主

寬惠亦不主猛毅

主猶名也

主德義而已

賞得其人罰當其罪是為德義王

曰諾使私問諸魯請之也王遂不賜禮如行人

如使人之禮無

加賜及魯侯至仲孫蔑為介

在賓為介介上介所以佐相禮儀

王孫說與

之語說讓

說好也言

說以語王王厚賄之

晉既克楚于鄆

克勝也晉厲公伐鄭楚人救戰于鄆在魯成十六年

使卻至告

慶于周

卻至晉卿步揚之孫蒲城離居之子溫季也告慶以勝楚之福告王也

未將事

將行

也未行告

王叔簡公飲之酒

簡公周大夫王叔陳生也

交酬好貨皆

厚

交酬相酬之幣也好貨宴飲以貨為好厚者幣物多也

飲酒宴語相說也明日

王叔子譽諸朝郤至見召桓公與之語

召桓公王卿士召公以

告單襄公曰王叔子譽溫季以為必相晉國相晉國必

大得諸侯勸二三君子必先導焉可以樹

二三君子在朝公卿也導

者導晉侯使升郤至以今夫子見我以晉國之克也為

為上卿可以樹黨於晉

言戰勝楚吾之謀也

曰微我晉不戰矣

微無

楚有五敗

晉不知乘我則強之

乘陵

背宋之盟一也

宋盟宋華元所合晉楚之

成也華元善楚令尹子重又善晉欒武子故遂合二國之好盟在魯成十二年至十六年楚鄭背盟伐宋也

德薄而以地賂諸侯二也

楚王薄德鄭人不從楚以汝陰之田賂鄭鄭叛晉從楚也

棄壯之良而用幼弱三也

壯之良謂申叔時幼弱謂司馬子反也

建立卿

士而不用其言四也

卿士子囊子囊不欲背晉楚王不聽

夷鄭從之三陳

而不整五也

夷楚東之夷也晉語曰楚恭王帥東夷救鄭三陳夷鄭楚也

臯不由晉

晉得其民

言楚叛盟非晉之罪得民得民心也

四軍之帥旅方剛

時晉立四

軍四軍之帥晉八卿也欒書將中軍士燮佐之卻錡將上軍荀偃佐之韓厥將下軍知縈佐之趙旃將新軍卻至佐之旅衆也剛強也

卒伍治整諸侯與之

以晉有信故

是有五

勝也有辭一也

楚背盟故晉有辭也

得民二也軍帥彊禦三也行

列治整四也諸侯輯睦五也有一勝猶足用也有五勝

以伐五敗而避之者非人也不可以不戰禦范不欲我

則彊之

樂樂書也范士變也

戰而勝是吾力也

謂郤至曰楚有六間不可失也

且

夫戰也微謀

微無也言軍無計謀

吾有三伐

伐功也三伐勇禮仁也

勇而有

禮反之以仁吾三逐楚君之卒勇也見其君必下而趨

禮也

下下車也

能獲鄭伯而赦之仁也

郤至從鄭伯其右弗翰胡曰余從之乘而

俘以下郤至曰傷國君有刑乃止

若是而知晉國之政楚越必朝

知政謂為

政也吾曰子則賢矣

吾召桓公自謂

抑晉國之舉也不失其次吾

懼政之未及子也

郤至位在七人下故恐次未及也

謂我曰夫何次之

有昔先大夫荀伯自下軍之佐以政

荀伯荀林父也從下軍之佐第六卿

升為政卿也

趙宣子未有軍行而以政

宣子趙盾也為中軍佐第二卿未有軍行

升為政卿也今欒伯自下軍往

欒伯欒書也將下軍第五卿而為正卿也

是三子也

吾又過於四之無不及

三子荀趙欒也得郤至四人之材優於彼四人也三言之

中無有所不及也

若佐新軍而升為政不亦可乎將必求之是

其言也君以為奚若

言如是君以為何如也

襄公曰人有言曰兵

在其頸其卻至之謂乎君子不自稱也稱舉也非以讓也

惡其蓋人也

蓋掩也

夫人性陵上者也

如能在人上者人欲勝陵之也故君

子上禮讓而天下莫敢陵也

不可蓋也

言人之美不可掩也

求蓋人其抑下滋

甚

滋益也求掩蓋人以自高故聖人貴讓且諺曰獸惡大則其抑退而下益甚也

其網民惡其上

獸惡其網為其害已

民惡其上為其病已

書曰民可近也而

不可上也

書逸書民可近可以恩意近也

詩曰愷悌君子

求福不回

回邪也求福以禮不以邪也

在禮敵必三讓

敵禮敵也

是則聖

人知民之不可加也

加猶上也

故王天下者必先諸民然後

庇焉則能長利

先諸民先求民志也庇猶廕也言王者先安民然後自庇廕也長利長有福利

也今卻至在七人之下而欲上之是求蓋七人也其亦

有七怨怨在小醜猶不可堪而况在侈卿乎其何以待

之待猶晉之克也天有惡於楚也故倣之以晉而卻至

佻天以為已力不亦難乎佻偷也佻天不祥乘人功以為已力

不義乘陵也不祥則天棄之不義則民畔之且卻至何三

伐之有夫仁禮勇皆民之為也民力以義死用謂之勇所為

若富奉義順則謂之禮謂若管仲畜義豐功謂之仁大

辰也

責楚包茅

大

也謂若狐偃輔晉文姦仁為佻以姦偽行仁為佻仁姦禮為羞
恥

也謂見楚君而趨姦勇為賊還賊國也姦勇謂逐楚卒夫戰盡敵為上守餘

同順義為上守和也順義順三義也故制戎以果毅戎兵

也殺敵為果致果為毅制朝以序成序次也朝不畔戰而擅舍鄭

君賊也棄毅行容羞也容容儀也畔國即讎佻也畔其國而

即讎人謂舍鄭伯欲以偷仁也有三姦以求替其上遠於得政矣替廢也

以吾觀之兵在其頸不可久也雖吾王叔未能違難在

大誓曰民之所欲天必從之王叔欲卻至能勿從乎違

也今周書大誓無此言其散亡乎

卻至歸明年死難

明年魯成十七年也死謂為厲公所

殺

及伯與之獄王叔陳生奔晉

伯與周大夫獄訟也王叔陳生與伯與爭政王

佐伯與王叔不勝遂出奔晉在魯襄十年

國語卷二

謹案卷一第二頁前一行昔我先王世后稷刊本
脫王字據宋本增

第四頁後一行以責犬戎而示之兵法也刊本法
訛非據宋本改

第六頁前七行脩師傅理瞽史之教以聞于王刊
本複衍脩字又脫師傅二字據宋本刪增

第十頁後五行大史掌達官之治刊本達訛逆據
宋本改

第十三頁後六行邠岐之所近也三川涇渭洛刊
本邠訛蓋洛訛汧並據宋本改

第十六頁後六行其丹朱之神乎刊本脫之神二
字據宋本增

第二十二頁前七行守節不淫信也刊本節訛禮
據宋本改

卷二第四頁前一行盧由荆譌刊本盧訛廬據宋
本改注同

第七頁後七行魯僖公二十五年也刊本脫此句

據宋本增

第十頁後三行季范武子字刊本脫武字據宋本
增

第十三頁前一行司空掌道路者刊本司空下行
卿官二字據宋本刪

第十三頁前六行縣方十六里刊本十六訛六十
據宋本改

第十七頁前七行言儉也刊本脫此句據宋本增



總校官庶吉士臣張能照

校對官庶吉士臣翟槐

膳錄監生臣溫之誠